

MARSILIUS ZANCHVS

Ad Lectores.

Nunc ite / & celebres deducere sacra poetas

Dicite Pieris non potuisse modis.



SACRATISS. HADRIANO .S. CHRYSOGONI
CARDINALI DANIEL CERETVS. S.

Heroides nostræ Ampliss. Hadriane tibi uni principū no-
stri orbis doctiss. dicatur / læuo fidere (ut aiunt) inco-
hata : uidere enim patriam italagæ urbium fortiss. : æqua
tis solo mœnibus hostiliter direptam : totq; hominum
millia passim per uias / perq; domos / etiam ad aras cæ-
sa : reliquos omneis captiuos : Vestales fumantibus res-
cēti cæde gladiis inter abdita penetralia perterritas : ipu-
beres aliū sub orbem abductos : miseras matres superbi
uictoris contumelias / armaq; perpeffas . Et quid ampli-
us nobis formidandum ? quando & sæuienti fortunæ
iugulum præbere satius fuisset . Nunc uero postq̃ mo-
rientum uoces / terrificæ tubæ / barbaricq; ululatus si-
luere / uerti me tantisper ad elegos / ut excitādo sopitos
ignes lenirem curas : Sic Heroides intermissæ / peneq;
strictos inter enses iterū periclitatæ / breui coaluere : imi-
tātes motū naturæ (teste Philosopho) in fine uelocem .
Hæc (quantulacunq;) tua sunt : uiuent (sat spero)
si eloquentiæ tuæ gladio defendere ipsa non recusabis :
Vale . .

DANIELIS CERETI BRIXIANI PHYSICI:

HEROIDES:

Irgineos ausus / temerataq; regna profanis
u Ensisibus / & raptas per freta longa rates
Dic dea / Tarpeias cœlo quæ respicis arces:
Et Capitolino marmora rapta ioui.
Affer opem Virgo: namq; inuidiosa uetustas
Nos premit: & turpi secula uicta situ:
Carmen / & audaceis præsens moderare furores:
Et moueant placidi carbasa tensa noti.
Rex erat / Oceani qua murmurat unda Britanni /
Insulaq; extremis alta feritur aquis.
Maurus auis / atausq; potens / cui pascua centum
Mille greges ouium / mille fuere boum.
Litora millenæ complebant alta carinæ:
Huic totidem nitidi frena tulistis equi.
Regia Tænariis stabat suspensa columnis /
Pictaq; non uno flore nitebat humus.
Stabat ab Eois Ebenus marcotica syluis /
Lectaq; Erythræo concha erycina mari.
Marmorei postes gemmis auroq; premuntur
Et libyco splendent ex Elephante trabes.
Aula triumphatas ostendit picta cohortes,
Diraq; bellaci regna subacta manu.
Stant mœsti uinctiq; duces: & pallida circum
Agmina fortunam flentq; pauentq; suam.

Squallenteisq; comas / inhonestaq; vulnera tergo

Ostendunt / trepidæ signa pudenda fugæ .

Captiuæ præeunt alpes / & nomina regum /

Fluminaq; / & titulis oppida capta suis .

Et consternati populo plaudente iugales :

Vestæq; lauriferis barbara præda rotis .

At Maurus uiridi redimitus tempora lauro

Quattuor albentes aureus urget equos .

Cristatasq; acies inter / cantusq; / tubasq;

Pacato hostileis orbe triumphat opes .

Talibus atq; aliis (longū ē memorare) triūphis

Stabat Apellæ regia picta manu .

Duxerat hic celsa Daream stirpe micantem /

Hinc fata flauentes Vrsula pulchra comas .

Vrsula palladias inter celeberrima nymphas /

Vrsula uirginei fama decusq; chori .

Mæoniam sumpta superasset lite puellam :

Seu daret argutos pendula tela sonos :

Seu teretem niueo torqueret pollice fusum /

Siue semiramia pingere mallet acu .

Alba uerecundo splendebant ora rubore

Qualia pæstans lilia mista rosis .

Aut qualis mediis fulges Amarante ligustris

Ornatur festo cum noua nupta die .

Pectora Caucasæas superant candore pruinas :

Et coma subiectum longa flagellat ebur .

Non arabum redolebat opes : non alta feroxq;

Illa Caledonias dicitur ille uias .

Nec premit ambrosios aurum crinale capillos :

Nec cadit in tepidos Succina gutta sinus .

Nec picturato cohibens uestigia limbo
 Fulget Agenorea purpura missa Tyro.
 Quin & Sarrano si quam uidisset in ostro
 Sæpe suas comites increpuisse ferunt.
 Blandaq; terrificis immiscens uerba querelis
 Diuinas alacri mente docebat opes.
 Visendi studio peregrino puppis ab orbe
 Sæpe tulit cupidos per freta longa duces.
 Illa perosa procos syluis agitabat in altis
 Attonitas arcu percutiente feras.
 Castaq; Panchæos templis adolebat odores
 Flore coronatos impediende deos.
 Sæpe pater dixit / miseros quid spernis amantes?
 Nube : nec indignas filia carpe moras.
 Nata mihi generum / debes mihi nata nepotes:
 Si libet / optati coniugis uxor eris.
 Coniugis ad nomen doluisse Britannica uirgo
 Fertur : & offusis erubuisse genis.
 Regaleisq; amplexa pedes / Clarissime dixit
 Da pater aterna uirginitate frui.
 Per superos oro / tumultata per ossa parentum
 Annue / per sceptri iuta fidemq; tui.
 Desinit in lacrimas : lacrimæ decuere : nec ultra
 Sustinet ad patrios ora leuare sonos.
 Crescit / & Euphraten ea fama vagatur ad altum :
 Nec minus occiduo qua tepet unda die :
 Perq; papyriferi septemflua cornua Nili :
 Quaq; riget Scythico Parrhasis uirsa polo.
 Transiit iernæas eadem pennata per urbes
 Qua patet inuidi regia dira senis.

Ille ferox gladiis hac tempestate cruentis
Subdiderat regnis oppida multa suis.
Auditaq; nouæ forma præstante puellæ
Fluxerunt sacra regia sceptrâ manu.
Perq; ait hūc ensem (nanq; ensē forte gerebat)
Et per Threitii tela cruenta dei
Hæc uirgo pulchra faciet me prole beatum:
Nec nurus est regnis illa pudenda meis.
Dixerat: Aethereus ualidos at filius ignes
Concipit: ætæo nec minus igne calet.
Aethereus frénator equum: cui mollia fulgent
Ora: subest flauæ cui noua barba comæ.
Illum regales mille optauere puellæ:
Mille tamen uanas illæ habuere preces.
Hanc amat: & longum sperando nutrit amorē:
Et queritur sæuas nocte dieq; faces.
At pater Orantes portus iubet ire Britannos /
Et sibi diuersa poscere ab urbe nurum.
Addidit ille minas mœsti si uela referrent
Atra / maritalis & sine luce faces.
Iamq; iter emensi / peragunt mandata: latensq;
Protinus est longæ causâ adaptata uia.
Obstupuit Maurus: totoq; ita palluit ore
Sylua Cytoriacis ut solet orta iugis.
Vtq; solet tacitæ per amica silentia lunæ
Solutus in ignota cum timet hospes humo.
Vtq; leui flauæ Zephyro turbantur arista
Intima sic gelidus terruit ossa tremor.
Q uid faciat: thalamos hinc uirgo exosa iugales
Pugnat: & optatam ferre reculat opem.
Hinc amor / & sæui feritas innata Tyranni /

Quodq; perëgrinos non amat illa deos :
 Consultitur trepido iuuenis regina parenti
 Pulchrior effusus per sua colla comis.
 Ite ait / o proceres / regiq; hæc dicite uestro
 Virginibus decoret sceptrâ Britanna decem :
 Quælibet audaci peregrinas puppe puellas
 Mille uehat : totidem regia nostra dabit .
 Interea teneris puer erudiendus ab annis
 Diuino flauas abluat amne comas .
 Perq; uagum decies repetitis piscibus orbem
 Vir meus in patria est excipiendus humo .
 Callida purpureo placuerunt uerba Tyrannor :
 Ianq; rates dubias imperat ire uias .
 At uirides spectant uenientia uela Britanni
 Candida Monapio uela soluta sinu .
 Et q Samnis agit : Vædisq; & Limnus : & Edros :
 Et longo Eblanum quod caret angue solum .
 Et quæ pomiferæ misistis litora Thules :
 Orcadas ad festos quis neget ille dies :
 Et quas præterea diuerso miserat orbe
 Nuntia regaleis fama coisse rates .
 Et Gerasma nouæ felix matertera nuptæ
 Præparat audaces puppibus ire uias .
 Asper / & immitis / numidaq; ferocior ursa
 Aetnæas coniux huius habebat opes .
 Ah quoties illo siculas regnantè per urbes
 Trinacris immiti cæde tepebat humus .
 Ah quoties fertur pullos induta colores
 Flebilibus coniux ingemuisse modis .
 Perpetuoq; trahens uiridem mœrore iuuentam
 Mollierat sæui pectora dura uiri .

Hac duce præclaris uiduuntur regna puellis :
 Et uehit innumeras sicelis unda rates :
 Quas uada Pantagia / quas Naulocha misit : & Acræ :
 Et quæ Troiano sanguine Acesta nitet .
 Et Melite libycis resonans pécorosa procellis :
 Et qui clamoris errat Elorus aquis .
 Strongylos & uentis nimium perflata sonoris :
 Tyndaris : & culto fertilis Enna solo .
 Hæsaq; & arbutis palmarum onerata Selinus :
 Et quæ nectareis non caret Hybla fauis .
 Centuripa : nitidiq; ferax Entella Lyai :
 Et Netum : & Zephyro qui patet altus Eryx :
 Et Gauli feruent abiegnis æquora palmis :
 Nec Tiffæ celeres continuere rateis .
 Et Megara & Drepane siculas iuuere carinas :
 Cinctaq; piscolis gens Agathyrfa uadis .
 Et qui litoreæ genialia rura Panhormi
 Accolit : & fines herbifer Aci tuos .
 Quæq; Leontino Catinæ uicina colono
 Ire Simatheas in freta cernit aquas :
 Qui fontes bibit Hypsa tuos : qui potat Achaten :
 Teq; Syracosius Himera lapsa iugis .
 Obsidet & dulcem proles animosa parentem :
 Nec freta / fallaces nec timet illa uias .
 Iuliaq; / & plenis Victoria nubilis annis /
 Aureaq; / & longas flaua Babylla comas /
 Et puer immensa tactus pietate sororum
 Hadrianus / matris sarcina parua suæ .
 Soluitur Aufonio classis numerosa Peloro /
 Concita Tyrrhenas ianq; fatigat aquas .

Antraq; fumiferis Vulcani exusta caminis
 Præterit / & Liparæ qua uada salsa sonant.
Sirenumq; domos : tepidiq; rosaria Pæsti :
 Et Silarus culta qua citus errat humo .
Et Surrentinos generoso palmite colles :
 Qua; fluit rapidis in mare Sarnus aquis .
Saxaq; Miseni : Cumæaq; antra Sibyllæ :
 Et uos Campani pascua læta soli .
Liternumq; tenet dextra : Prochytaq; sinistra
 Qua terret miseras atra fauilla rates .
Protinus umbrosæ spectantur regna Myricæ :
 Atq; Venafrani pingua culta soli .
Antraq; Circæis quondam maculata uenenis :
 Quiq; secat uirides albula Tybris aquas .
Præterit & Pyrgos : ægrotanteisq; Grauiscas :
 Teq; metalliferis nobilis Ilua iugis .
Et qua riphæo Populonia tunditur Euro :
 Et celer Etruscam qua rigat Arnus humum .
Altaq; marmoreæ raduntur litora Lunæ :
 Et ratis Hesperias intrat anhela uias :
Spumifer horrissonis Rhodan⁹ qua pfluit undis /
 Et defrenatis in mare currit aquis .
Fulmineum pugna; & Barcino qua rotat ensẽ /
 Ostriferis late Barcino pulsa fretis .
Te quoq; Campano tantum cessura falerno
 Tarraco Trinaciæ præteriere rates .
Quaq; ferox sumpta Balearicus audet habena :
 Quaq; Saguntinas unda flagellat opes .
Et qua Palladiis umbratus cornua ramis
 Bætis arenosas æquore miscet aquas .

Quaq; Chalybs raucis pelagi cōfunditur undis :

Qua Tagus auriferis in freta currit aquis :

Peruenit ad pictos tandem quassata Britannos

Acta per innumeras aduena puppis aquas :

Excipit hospitio Siculam regina sororem :

Mistaq; sunt lacrimis oscula mille piis .

At famulæ centum longo stant ordine circum /

Quarum barbaricas altera monstrat opes .

Detrahit hæc tyrias humero candente lacernas :

Turbatas uentis colligit illa comas .

Miratur uasti pars mille pericula ponti :

Et stupet ad sículos pendula turba sonos .

Ianq; fatigatis uario sermone puellis

Effert regaleis turba ministra dapes :

Carpebant dulcem mortalia corda soporem :

Et lupus ad clausas ipse fremebat oues .

Ianq; papauereis frontem redimita corollis

Nox ferrugineos huda premebat equos .

Regifico luxu thalamos ea turba paratos

Intrat : & auratis membra dedere toris

Iam procul urgebat roseos Aurora iugales /

Inq; pruinosis federat alta rotis .

Conueniunt hilares ad ditia templa puellæ

Qua sedet in mediis Vrsula celsa choris ,

Inter formosas quæ formosissima Nymphas

Militiæ spectat munera tanta suæ .

Millia tot magnis nunq; coiere Mycenis

Dardaniam peteret cum ferus hostis humum .

Incipit : & rapidi fecere silentia uenti :

Dum loquitur / uernas efflat ab ore rosas .

Cui non audita est lacerati iniuria Christi ?
 Ille sua nostras cæde redemit opes .
 Exangues animas nigro reuocauerat Orco
 Ante : sed est diræ traditus ille neci .
 Hyrcanæ gemuere feræ : scopulosq; Ponti :
 Alcyones mœstum concinuistis aues .
 Sol rutilos uultus ferrugine tinctus lbera
 Optauit currus sustinuisse suos .
 Tunc Salomoniaci tremuere cacumina templis
 Terraq; sub Stygios pene recepta lacus .
 Luridaq; umbrosi patefacta est ianua regni,
 Scilicet inuieta ianua fracta manu .
 Nec procul / æterno felix captiuus Olympo
 Sedit : & hinc cœli mitis aperta uia est .
 Ergo agite o comites longinqua p æquora uectæ
 Quærite siderei gaudia longa poli .
 Non ibi ueloces exercent secula cursus :
 Nec toties rapidos Cynthius urget equos .
 Impia nec dirus portendit bella Cometes :
 Nec rubet humano sanguine pinguis humus .
 Non canis arentes exurit Sirius agros :
 Nec quatiunt populos fulmina missa leues .
 Non ibi pallentes posuere cubilia morbi
 Tristia : nec tremulo curua senecta gradu .
 Non tuba : non litui : nō pallida sæuit Erinnyes/
 Nec coniuratos impia ad arma uocat .
 Aura sed externos mitissima uincit odores
 Siue tuos Babylon : siue sabæ tuos .
 Quosq; metūt Arabes campis felicibus : & quos
 Diues Oronteis accola portat aquis .

Quosq; legunt Cilices : & quos sub sole recenti
Parturit Eois barbara terra iugis.
Perpetuo nitidi uernant in flore capilli :
Sed perit in uariis nostra iuuenta malis.
Cernitis ut picti redolentia munera ueris
Exiguo perdat frigore tristis Hiems :
Tempus edax roseo sic carpet ab ore colores :
Plurimaq; in uultu ruga senilis erit.
Auferet hūc uestrum Mors importuna decorem :
Et cadet in flauas alba pruina comas.
Anguis in aurato nascetur nigra sepulcro :
Et Tyrios rodet sordida Blatta sinus.
Quid iuuat Assyria crinem perfundere Myrrha :
Sertaq; odoratis imposuisse comis :
Gemmea marmoreo gestasse monilia collo :
Balsama / Corycios quid ue oluisse crocos :
Aut quid Erythrao digitos ornare lapillo :
Vestra quid aurata corpora ueste tegi :
Quid trepidum bellis cinxisse furētibus orbem :
Martiaq; in capto ponere castra solo :
Si leti pulsanda uia est : si mœsta tremensq;
Vmbra per infernas uestra nabit aquas.
Hippolyte pugnax vbi nūc : vbi plēcha Thalestris :
Et fera turbatis Penthesilea comis :
Cincta securigeris pharetrata Camilla puellis :
Tullaq; discordes inter & arma tubas :
Ipse triumphatas inter iacēt Annibal umbras :
Et comes annosa Tyndaris est Hecalæ
Hic ubi terrificis religatus colla cathenis
Cerberus aratas excubat ante fores.

Et pice torrentes fluctus: Orciq; satelles
 Tristia sulfureas iactat in ora faces.
 Hic frustra laniata sinus / laniata capillos
 Plorat ad ardentes pallida turba lacus.
 Indulgetq; fero mœrens Eriphyla dolori:
 Et Paris: & phrygiæ præda cruenta ratis.
 Ardet & osceni meretrix regina Canopi:
 Quæq; procellosis edita fertur aquis.
 Infelix / niuei quæcunq; oblita pudoris
 Tela / Cupidineas sustinuitq; faces:
 Hæc laqueo sua colla ferox circumdedit: illa
 Vulnifico ingratos abstulit ense dies.
 Altera pignoribus nondum satiata peremptis
 Dira Tomitanæ nomina fecit humo.
 Milleq; quas falsi toties lesere mariti
 Inq; neces miseras imperiosus amor.
 Quis furor est animos cœlesti sede creatos
 Turpiter in stygios præcipitasse lacus?
 Quis furor est teneræ neglecto flore iuuentæ
 Ante diem fati procubuisse sui?
 Quam melius: pingues dū pax illesa per agros:
 Dum latuit ferrum: dum nouus orbis erat.
 Nondum puniceo tellus madefacta cruore
 Sponte sua dulcis ferre negabat opes.
 Nondum Bistonis miles radiabat in armis:
 Nauita nec dubias uelificabat aquas.
 Vellera nec uiduæ gestarant pulla maritæ:
 Mercator querulo nec bibit ore fretum.
 Non clypeus / non ensis erat: nec bellica pinus
 Cædibus ignotas commaculauit aquas.

Ceperat Aeolios nondum discordia uentos :
Terra nec hibernas senserat ante minas .
Nec stetit in scopulo lacrimans Ariadna marino :
Nec fuerat rubro gemma reperta mari .
Felix heu tellus : si nunq̃ mercis Heor̃
Diues Erythræas nauta ferisset aquas .
Non luxus creuisset amor : nec mille periclis
Fœmina quæstas attenuaret opes .
Penderent rāucis nec uela Britannia theatris
Aurea nec Phrygia stamina picta manu .
Nec toga Sidonios potasset nostra colores :
Et quoscunq̃ noui tempora ueris habent .
Pinguis Achæmenios nec oleret crinis odores :
Nec tegerent Latiæ serica texta nurus .
Opereant conchæ potius / pereantq̃ smaragdi
Quam terat infernas ulla puella uias .
Dum licet o Nymphæ rapidis date lintea uentis :
Non ego cum uobis arma cruenta nego .
Veliferas sequar ipsa rates : ego regia uirgo :
Illa ego principibus mille petita procis .
Neu pigeat duri tolerare pericula belli :
Velaq̃ nubiferis explicuisse notis .
Ille etiam totum nutu qui temperat orbem
Exul in ignota sæpe resedit humo .
Quiq̃ premunt rapidi nunc aurea sidera cœli
Sæpe pedes duras sustinuere uias .
Quid referam socios uentosa per æquora uectos
Vltima litoream qua Thetis ambit humum .
Aspice diuersos terraq̃ mariq̃ labores
Quos neq̃ Thesææ sustinuere manus .

94
Dura nec iniusta peragit dum iussa nouerz
Arcadii quondam fama timorq; soli.
Intrat inaccessa pars uasta silentia syluz
Fronde famem pellens diuite : fonte sitim.
Hic Boreā/petit ille Notū : petit alter Hydaspes :
Et placido populos edocet ore feros.
Attigit & nostros audax facundia portus
Vtiliter falsos depositura deos.
Orbe pererrato (pro cæci infamia secli)
Fortiter indignas oppetiere neces.
More Perilleo falsa hic mugiuit in aluo :
Ille Prometheas pectore paut aues.
Hic ferrum / tulit ille faces : bibit ille uenenum :
Mersus in æquoreas occidit alter aquas.
Pertulit ille angueis : at pertulit ille leones :
Sanguine discordes terruit alter equos.
Ah crudele nefas : libycis ah digna Ceraistis
Pectora / Sithoniis asperiora iugis.
Dixerat : & lacrimæ fluxere per ora decorz
Singultu medios impediēte sonos.
Assensere deæ : superosq; in sœdera testes
Aduocat ad longas turba parata uias.
Classe uiriscq; potens pelagi regina Britanni
Ventorum lentas increpat usq; moras.
Tempus erat uarios quo primum terra colores
Induit : & syluis mille queruntur aues.
Vector & aurato splendebat uellere Phrixi :
Et lacerum Progne garrula flebat Ityn.
Ingreditur pandas numerosa caterua carinas :
Longaq; diuerso murmure castra sonant

Q uale solet primo nemorū increbrescere motu
Insidas nautis cum parat Auster aquas.
Aut ubi litoribus longe sonat unda recuruis
Vallibus aeris cum timuere grues.
Effusæ transtris expectant flamina diuæ
Flamina per dubias officiosa uias.
Atq; aliqua e teneris residens in puppe puellis
Forsitā est tales ore locuta sonos
Nascere / iamq; diem refera mortalibus alnum
Phœbe serenati splendor honosq; poli.
Nonne uides rutilos ut iam tenuauerit ignes
Vixq; micet fessis Lucifer altus equis?
Lucifer intonsos cui uentilat aura capillos:
Sertaq; rorantes implicuere comas.
Vos quoq; iam uenti scythico qui luditis axe
Ceratam crebro uerberare ferte ratem.
Illa nec auratam Colchis auertere pellem
Nititur: aut raptam per freta ferre nurum.
Non freta gemmiferi cupit hæc sulcare profundū:
Diues ut coas inde reportet opes.
Regna nec immitis peregrini concupit orbis:
Prælia / Tyrrhenas nec uehit illa tubas.
Sternere Chaonias quercus quæ gloria uestra est?
Fluctibus ausuras grandia ferte rates.
Ecce latent placidis curui Delphines in undis:
Nec geminant raucos litora pulsa sonos.
Quātū erat: ut leuib⁹ resonarēt æquora pennis:
Et facerent celeres flamina uestra uias.
Dixerat: & summis hærentia uela Ceruchis
Impulit Acolii protinus aura Noti.

95
Expediunt sese comites : pars cœrula uerrit :

In freta ueliferas pars trahit alta rates .

Laxat Iernæis hec ferrea uincla liburnis :

Remigio faciles altera censeat aquas .

Hæc mouet antennas : tortos legit illa rudentes :

Immenso uentis explicat illa sinus .

Eruta iam ualidis spumescunt æquora remis :

Canaq; uix curuas accipit unda rates .

Cymothoenq; uagam centenis uerberat alis

Bellica fluctifonas puppis itura uias .

Ianq; uolat scythica neruo torquente sagitta

Ocyor : & liquidas itq; reditq; uias .

Interdum patriis lassata quiescit arenis :

Iactaq; uersatas ancora turbat aquas .

Et modo luctando naualis imagine belli

Gaudet inexpertas conseruisse manus .

Et modo diffugiens mersis fodit æquora tonsis :

Et celer euersas nauta fatigat aquas .

Taliter Aëtiaca fugiens Cleopatra carina

Mœsta Parætonias dicitur isse domos .

Victricisq; manus ferit ignea sidera clamor :

Et trepidant imis monstra marina fretis .

At pauidæ matres / portuq; effusa iuuentus

Ter quater elatas increpuere manus .

Conclamant : scopulisq; cauis clamoris imago

Affonat : & placidas uerbere pulsant aquas .

Interea pelagi doctus / rectorq; carinæ

Soluit anhelanteis ad pia bella rates .

Nauali iam pulsa phalanx : iam curua recedunt :

Litora : iam patrii delituere sinus .

Iamq; Caledonium Borea crispante profundum
Peruenit in portus Galla Thyella tuos.
Hinc Morinos legit extremos: Rhenūq; superbū
Intrat: & aduersas remige sulcat aquas.
Vos quoq; post multos adit Agrippina labores;
Mœnia / Romuleæ quæ posuere manus.
Iam Sol flammiferos in lbero gurgite currus
Merferat: & tenebris alta latebat humus.
Clauserat & tepidis saturos fœnilibus hedos
Tityrus: & pictæ conticuiſtis aues.
Nuntius ætherea subito cum lapsus ab arce
Astitit: & tales edidit ore sonos:
Surge age cura deum / latios pete uirgo penates:
Surge agedum / & lentas Vrsula rumpe moras.
Scilicet & tempus ueniet cum sanguine uestro
Puniceas Rhenus per mare uoluet aquas.
Hic finis belli: durorum hinc meta laborum
Transferet in superas nomina uestra Deas.
Hactenus: & rapido fugiens uelocior Euro
Sparſit odoratis pectora casta roſis.
Nec mora / fluctuagis petitur Basileia puellis:
Celsaq; spumosis tunditur alnus aquis.
Pronaq; dum celeres referunt ad pectora remos
Ancora iam fessas alligat unca rates.
Festa coronatis descendunt agmina proris,
Hei mihi non illis agmina digna locis.
Nulla fatigatas releuant pilenta puellas:
Barbara nec Belgis effeda ueſta rotis.
Nec sonipes fuluo radians Mauortius auro
Perſtrepit argutis æquora lata sonis.
Sed premit Arctœas pubes miſeranda pruinas:

Et secat alpinas candida planta niues.
 Iamq; per Ausonios acies effunditur agros:
 Nec tenet affluetas hospita turba uias:
 Qualis piniferae resolutis nubibus ossa
 Penæus rapidas cum citus urget aquas.
 Per sata / perq; greges fertur: nec ut ante solebat
 Riparum clausas mole coercet aquas.
 Mirantur pueri, mirantur castra puella:
 Et stupet ad uarios fœmina uirq; sonos.
 Sic ubi lagei uernant ad litora Nili
 Strymonias Memphis barbara cernit aues.
 Iamq; propinquabant Romanis agmina muris
 Obuia Cyriacus cum pia castra mouet.
 Ipse caput celsa fultus de more Tiara
 Pascebat niueos ad uada Tusca greges.
 Occurrit patriæ gaudens telluris honore:
 Et consanguinei tactus amore chori.
 Clauigeraq; manu dulcem super ora salutem
 Sparsit: & est latio turba recepta solo.
 Iam requies duros lenibat blanda labores:
 Pectoraq; irrigui plena soporis erant.
 Ecce puer leuibus liquidum secat aera pennis:
 Pontificis castos & stetit ante toros.
 Edocuitq; fero casuras Marte puellas:
 Cyriaco sociam non renuente necem.
 Iamq; rubescebat Tithoni coniuge cœlum:
 Palluerant nitido sidera iamq; polo:
 Surgit & illotas sacro lauat æquore Nymphas:
 Aerataq; fugam concrepuere tubæ.
 Nec mora / uelatus tyrio Vincentius Ostro
 Pontificis sequitur terga premitq; sacri.

It comes & uariis gaudens pia turba periclis
Queis tegit exiguas candida mitra comas :
Sulpitius : longoque tremens Follarius æuo :
Et Clemens Anglas qui bene rexit oues .
Et Basileæ noua gloria Pantulus arcis /
Pantulus emensæ duxq; comesq; uiæ .
Impiger & Syrio ueniens Iacobus ab orbe
Quem tulit antiquo terra Britannia lare .
Et Velicanæ Pastor Mauritius urbis :
Et Maculus Danaï cura dolorq; soli .
Hunc sequitur roseo neptis Constantia vultu
Cui ferit exiguos aurea palla pedes .
Dorothei proles Byzantia regna tenentis
Mille sui laceros torfit amore uiros .
Hanc puer insignis uultu / regnoq; superbus
Duxerat : ante annos occideratq; suos .
Expertemq; tori patria dimiserat aula :
Sed piget : & thalamos concipit illa novos .
Quam pater ut uidit dare uela furētib; Austris
Rupit inauratos ungue rigente sinus .
Canitiem & multo foedatus puluere sacram
Edidit indignos ore tremente sonos
Ergo per extremos ibis mea nata Britannos ?
Nata mihi & scepro carior atq; oculis .
Nec natale solum / nec te pia cura parentis /
Nec tangit regni gloria tanta tui ?
Num te Phasiacis / num te Perseidos herbis
Deuouet / & magico carmine torquet anus ?
Tu procul a nobis fluctus patiere marinos /
Forsthan æquoreis præda cibulq; feris

Nec te tristis Hiems / nec te Gætulica Syrtis
 Terret : & infidis ossa sepulta uadis :
 Adde quod & siculo memorant latrare profundo
 Herculeæ quondam monstra subacta manu.
 Fœminaq; / & uirgo uentis ablata quid audes
 Velle peregrinas sollicitare uias :
 Outinam Hippotades ut te tua uela morentur
 Et uento / & raucis æquora turbet aquis.
 Non ibi quæ teneris faueat Galatea puellis
 Regnat : habet nullam pontus & unda fidem.
 Infelix / pelago quicunq; uagatur : at ille
 Felix / cui uisa est terra paterna satis.
 Respice pallentem / & cōfectum ætate parentem :
 Quo properas annis insidiosa meis ?
 Tu mihi supremæ Lenimen dulce senectæ :
 Solamen longis una reperta malis.
 Si pietas ulla est / patrio me conde sepulcro :
 Facq; bibant lacrimas funera nostra tuas.
 Finit in amplexus : Edera; tenacior hærens
 Oscula dat / roseas imbre rigante genas.
 Sic cum Threicias peteret Philomela carinas
 Omnia sunt lacrimis humida facta piis.
 Quas non ille preces / aut quæ nō uerba peregit
 Mitia / montanas apta mouere feras :
 Illa uelut niueum patio de marmore signum
 Fortis in opposita lumina figit humo.
 Contemnenq; piæ animo constante querelas
 Perstat ut insanis icta Malea fretis.
 Ut pullata feris cautes Marpessia uentis :
 Tunsaq; riphæis Aesculus alta notis.

At pater ut pelago fugientia lintea uidit
Dicitur incomptis exululasse comis
Non ita negle&os hedera redimita capillos
Fertur ab Ogygio Bassaris acta deo.
Colla securigeri nec quoi fregere ministri
Taurus / ubi arsuris præparat exta focis.
Sic uitulum Syluis orbata iuuenca sub altis
Plorat : & implumeis sic sua mater aues.
At puer Aethereus campos glatialis Iernæ
Liquerat : & fines ultima terra tuos.
Subditaq; Hesperio pulsabant rura colono
Et soror / & gelido quæ uenit axe parens.
Paruula adhuc festas tu Florentilla choreas
Narraris duræ postposuisse uiæ.
Cœruleisq; simul ueniens Dærea Britannis
Occurris natæ protinus ipsa tuæ.
Q uo non liuor adit ? Stygii regnator Auerni
Tartareas fertur deseruisse domos.
Altaq; Tænariis afflauit sidera bigis
Pannonium stimulans ad fera bella ducem.
Succedensq; animos / inuidi gloria Martis
Casuras Iuli respice dixit opes.
Gens inimica tibi temeratis aduena sacris
Aduerhit in patrios arma cruenta deos.
Aspice fœmineis quassatum uiribus orbem :
Si sapis / intrepida dirue castra manu.
Dixerat : & breuib; torquatus colla colubris
Purpureos gelido perculit angue sinus.
Inspiratq; feros Erebi de sede furores
Q ueis Styga / queis tristeis cernit amatq; neces.

Fulgurat ille oculis / ut quas Semeleia proles
 Fertur in Ismariis exagitasse iugis.
 Hortaturq; feros ad martia bella maniplos
 Impiger : & latas obsidet ense uias.
 Nec procul / Agrippæ dictas de nomine terras
 Calcabat reduci dissona turba pede.
 Protinus horrifico strepuerunt cornua cantu :
 Milite ferales ore mouente sonos :
 Qualis Hyperborea descēdens Cimber ab Arcto
 Cum lacerat fines Itala terra tuos.
 Horrida Lymphatas agit in certamina mentes
 Funeream geminans torua Megæra tubam.
 Confluit Emathiis pubes armata sarissis :
 Quiq; iacit ualida grandia saxa manu.
 Et qui cornipedes in gyrum torquet anhelos
 Ore Pelethronios inficiente lupos.
 Quiq; grauem torquet baleari verberare glandem :
 Qui sude / qui stricto cōminus ense ferit.
 Ille Cydoneis doctus certare sagittis
 A lipedi fundens spicula fidit equo.
 Hic patrio gaudet ferrum infamare ueneno :
 Thermodonteis fulgurat ille minis.
 Hi spoliis quatiunt hastilia torua ferinis :
 Efferat hunc agili lancea pulsa manu.
 Ille iacit picea fumantem lampada flamma :
 Fulminat in rapidis ille uel ille rotis.
 Incubuit Boreas syluis ubi thracius altis
 Sic sonat : & refluas cum quatit Eurusaquas.
 Aurea tunc uasti ditata est regia cœli
 Innumera latas cæde tegente uias.

Elusamq; ratem scelerati portitor Orci
Dicitur in stygiis uix agitasse uadis.
At cohibens fuluos ærata casside crines
Iulius indomiti terga fatigat equi.
Ille ferox rabido spumas uomit ore cruentas/
Pulueream quatiens irrequietus humum.
Complectensq; humeros radiabat luce corusca
Irrita passurus uulnera mille thalybs.
Talis Bistonio rediens Gradius ab Hebro
Sanguinea fertur lora mouere manu.
Huic pharetra ex humero spiratibus aspera signis
Pendebat Cressæ nobile gentis opus.
Strauerat hic Geticis tumidum Pythona sagittis
Delius : & larga cæde rubebat humus.
Iamq; Giganteæ uertebant terga cohortes :
Centimanum cœlo depuleratq; Gygen.
At circum lætis superi plausere choreis
Molliter & pictis accubuere toris.
Detrahit ille humero pharetrâ : legit ille sagittas :
Castalio turpes hic lauat imbre comas.
Pars laudes canit ore tuas : pars Phœbe corollas
Dat tibi : & auratis gemmea ferta comis.
Ad Mauri natam lunato Iulius arcu
Venerat : armatas attuleratq; manus.
Qualis marmaricis impasta læzna sub antris
Incustoditos cum petit ore greges.
Ille sed immensæ miratus præmia formæ
Hæret : & in uultu signa dolentis erant.
Taliter in capta Lyrnesside fortis Achilles /
Perseus in fusca torpuit Andromeda.

Taliter & niueam Tiryntius arsit amicam
 Oechalias uictor cum laceraret opes.
 Aspicit: & ualidos spectando concipit ignes
 Pinguis ut apricis tæda recisa iugis:
 Arcus / & ingentes humero sonuere pharetræ:
 Oraq; mox blandis soluit anhela modis
 Atq; ait / O uirgo non istis digna sagittis
 Pone metus / nostri parte futura tori.
 Ille ego cui tantis gens effera militat armis
 Ille ego sum belli causa coacta tui.
 Accipe daq; fidem: thalamos aurata superbos
 Ibis / odoratas flore tegente uias.
 Natales nec sperne meos: mihi stemmata surgūt
 Inclyta / præteritos si numeremus auos.
 Aspice pallentes immiti cæde puellas
 Vltima iam telis interitura meis.
 Parce meas scelerare manus: teq; eripe leto
 Vnica iudicio pulchra reperta meo.
 Talibus Arcitenens: at talibus alma puella
 Virgineo teneras picta rubore genas:
 Nec tibi præclaro genus est a sanguine: sed te
 Aequora / Massylæ te genuere feræ.
 I nunc: & claros scelerate reposce triumphos
 Nempe iacet telis foemina uicta tuis.
 Et facito patii scribatur fronte sepulchri
 Hæc sunt uirgineis rapta trophæa choris.
 Non ego stillantem peregrina cæde maritum
 Vesta per immensas Vrsula posco uias.
 Sed quem fatidicæ toties cecinere Sibyllæ:
 Quiq; Palæstino uagiit orbe puer.

Qui stygias tremefecit aues Dodonide sylua :
 Delphica qui Clarii sustulit antra dei :
 Qui freta litoribus uentosa coercuit altis :
 Et uolucrum liquidas fecit in orbe uias :
 Palluit audita solido ex Adamante repulsa
 Miles : & iratas mouit ad arma manus .
 Non secus ac coluber pedibus quę pressit arator /
 Sibila dat : linguis & micat ille tribus .
 Aut fera cum trepidum sequitur Gangetica furē :
 Aut pastoraleis cum rotat uersa canes .
 Impositoq; genu spatiosum fortiter arcum
 Flexit : & est paucos lingua locuta sonos :
 Durior alpina quercu : truculentior Hydro :
 Frigidior Borea : frigidiorq; niue .
 Asperiorq; fretis : scopulo tu sordior illo
 Rauca procellosi quem ferit unda maris :
 Postq; pacis inops / & inexorabile pectus
 Est tibi / uirginibus sis comes ipsa tuis .
 Haftenus : & celeres Iuli sonuere sagittæ :
 Vrsulaq; indignam corpore pressit humum .
 Qualia curuato demessa Papauera ferro
 Purpuream messor cum populatur humum
 Qualia uel rapido languentia lilia sole :
 Alba puellari dempta ligustra manu .
 Laberis heu Nymphe / primoq; extinguere uisus :
 Mitis inhumanis agna relicta lupis
 Non tibi quę claudat morientia lumina mater /
 Nullus adest lacrimis qui riget ora piis .
 Nec patriæ comites fufis per colla capillis
 Vltima funcribus dona dedere tuis .
 Iam pastor cogebat oues : iam Phœbus ab Indis

In Tartessiacas ibat anhelus aquas.
 Cordula restabat gladiis erepta nefandis /
 Hanc memorant nimio delituisse metu.
 Cordula nocte latet piceis defensa tenebris /
 Vix bene desertæ munere tuta ratis.
 Pœnitet hanc / rigidis postq̃ superesse puellis
 Se uidet / & claram non subiisse necem.
 Perq; feros enses bibula dum tendit arena
 Vltima funestam pectore tinxit humum.
 Carmen habet finem : castis date festa puellis :
 Et date cum multa thura Sabza prece.
 Diua potens pelagi tenues delapsa per auras
 Huc ades : & radians ad tua festa ueni.
 Maternosq; sinu manes complexa potenti
 Ad superos tecum duc miserata choros.
 Casta faue Regina / pios nam uixit & annos :
 Et matronales auxit honore rogos.
 Te duce iam multos tellus inarata per annos
 Accipiat docta semina iacta manu.
 Rusticus hinc grandes miretur farris acervos :
 Thestylis & niueas solibus usta genas.
 Luxuriansq; nouo pubescat uinea foetu :
 Vicinum lacrimis nec lauet iacta solum.
 Et rediens plenis spumet Vindemia labris :
 Auferat ut longam nobilis unda sitim.
 Pullulet & seris factura nepotibus umbram
 Paciferas reparans mitis oliua comas.
 Nec uideam sparso scelerata cæde penates
 Vascone captiuos diripiente lares.
 Nec coniurato descendens Gallus ab axe
 Brixiacas iterum trans iuga portet opes.

Nec Venerem / & lauro spectantia lumine Martem
Excedant adytis numina prisca suis.
Nec pelago quassisse fugam / nec montibus altis
Cogat Hypetboræi dextra furorq; poli.
At si tantus amor stricto decernere ferro
Et reserant iras æthra polusq; suas/
Talis in imbelles iniuria transeat Indos:
Inq; feros Cilicas dedecus istud eat.
Florea tunc latæ textent tibi sarta puellæ:
Et recinent laudes uir mulierq; tuas.
Annue pacato Diis acceptissima uultu:
Annue: per comites / per tua sacra precor.
Sic tibi perpetuis uigilent altaria flammis:
Et tibi per populos sint noua templa truces.

Brixia ex Autoris archetypo per Io. Antonium

Cegulum Anno Salutis. M. D. XVI.

Mense Nouembri ..